



Colombia

ZVK tin kontakto na Colombia ku dunadó nan di kuido den e siudatnan Medellín, Cali i e siudat kapital di Colombia, kua ta Bogotá. Ta trata aki di kuido super spesialisá, ku no ta disponibel riba e islanan BES òf nan bisindario.

Durante bo estadia na Colombia

Coomeva, e organisashon partner di ZVK aya, ta bo punto di kontakto. Den kaso di un òf otro problema òf si bo tin pregunta, tuma kontakto semper ku Coomeva. Esaki por sosodé kompletamente grátis for di e hotèl unda bo ta hospedando.

Bo biahe

Bo ta bula den 'Economyclass' pa Colombia. Riba bo ticket bo por lesa ku kuantu tempu di antisipo bo mester ta na aeropuerto. Si bo ta biba na Saba òf St. Eustatius, bo mester tene kuenta ku lo bo mester keda un anochi ora di bai òf bini bek na St. Maarten. ZVK ta regla esaki na momentu di hasi bo reservashon di pasashi.

Yegada na Colombia

Lo bo por baha na aeropuerto Jose Maria Cordova na Medellín, El Dorado na Bogotá, òf Alfonso Bonilla Aragón na Cali. Si bo mester di un ròstul, lo pone unu kla p'abo na momentu ku bo bandoná e avion. Den tur 3 siudat, Coomeva lo regla transporte di aeropuerto pa hotèl i viseversa pa bo.

Di antemano lo bo risibí nòmber di e shofùr ku ta bin buska bo na aeropuerto pa hiba bo hotèl.

Transporte

Coomeva ta regla tambe transporte di hotèl pa e sentronan di kuido unda bo mester bai pa tratamentu. Tene kuenta ku bo mes mester paga transporte pa lugánan ku no tin di aber ku bo tratamentu.

Paga tinu! Nos ta konsehá bo pa NO hasi uso di transporte públiko. Via Coomeva òf bo hotèl bo por regla semper transporte serka hendenan konfiabel. Estadia Estadia ta tuma lugá den hotèl ku tin tur facilidat hotelero. Tin hotèl ta ofresé desayuno tambe, kual ta inkluí den bo estadia. Si bo ta huntu ku un kompañó, e lo keda den mesun kamber ku bo. Indiká na ZVK si bo ta deseá un kamber di hotèl ku kama separá.

Kompensashon

Promé ku bo salida pa Colombia, ZVK lo depositá riba bo kuenta di banko un suma di kompensashon ku ta korespondé na e promé 3 dianan di abo i bo kompañó su estadia na Colombia. E suma restante lo keda depositá pa Coomeva. Lo bo risibí un karta di Coomeva ku bo mester entrega na banko. Pa medio di e karta aki lo paga bo e kompensashon diario.

Kontakto

Mas informashon i demas datos di kontakto ta optenibel den e foyeto "Traslado Médico pa Colombia" ku bo ta haña na ofisina di ZVK promé ku bo biahe.